



24 SEP, 2024

Sindiket seludup rokok, minuman keras RM4.9 juta tumpas

Utusan Malaysia, Malaysia



Page 1 of 2

Sindiket seludup rokok, minuman keras RM4.9 juta tumpas

SEREMBAN: Jabatan Kastam Diraja Malaysia (JKDM) Negeri Sembilan menumpaskan sindiket penyeludupan dan pengedaran rokok serta minuman keras bernilai lebih RM4.9 juta hasil tiga serbuan bulan lalu.

Pengarah Kastam Negeri Sembilan, Muhammad Ilyas Queek Abdullah berkata, kejayaan bagi kes pertama dan kedua adalah hasil pemeriksaan Bahagian Penguatkuasaan JKDM negeri ke atas sebuah lori tertutup bernombor pendaftaran palsu di kawasan perumahan dan sebuah kontena di kawasan gudang di Jenjarom, Selangor.

Kata beliau, pemeriksaan ke atas lori menjumpai 5,280 tin bir 500 milliliter (ml) manakala pemeriksaan terhadap kontena menemukan pula sebanyak 26,328 tin bir 500 ml dengan kesemuanya tidak mempunyai label



MUHAMMAD Ilyas Queek Abdullah (tengah) menunjukkan minuman keras dan rokok putih yang dirampas hasil serbuan dan pemeriksaan terhadap sebuah lori, kontena dan gudang di Selangor bulan lalu.

cukai dan disyaki barangan laran-gan import.

“Kesemua barang kes bersama lori dan kontena disita di bawah Seksyen 114 Akta Kastam 1967 untuk siasatan lanjut. Nilai kes-

eluruhan sitaan termasuk cukai bagi kedua-dua kes dianggarkan lebih RM600,000.

“Modus operandi sindiket adalah membuat pengikraran tidak benar ke atas muatan kon-

tena yang diimport bagi mengelak membayar cukai. Sindiket akan menggunakan kenderaan seperti lori untuk tujuan pengedaran dan dijual di pasaran tempatan,” katanya kepada pemberita di sini

semalam.

Tambahnya, kedua-dua kes disiasat di bawah Seksyen 135(1) (e) dan 135(1)(d) Akta Kastam 1967 dan Seksyen 74(1)(a) Akta Eksais 1976.

Menurut Muhammad Ilyas Queek, bagi kes ketiga pula ia melibatkan serbuan dan pemeriksaan sebuah gudang di kawasan Taman Perindustrian Puchong, Selangor.

“Hasil pemeriksaan rapi telah menemukan sejumlah 287,500 pekuk rokok putih yang tidak mempunyai label cukai dan disyaki sebagai barangan laran-gan import.

“Kesemua barangan ekshibit disita mengikut Seksyen 114 Akta Kastam 1967 untuk siasatan lanjut dan nilai keseluruhan rokok putih yang disita termasuk cukai diang-garkan sebanyak RM4.36 juta,” katanya.



24 SEP, 2024

Sindiket seludup rokok, minuman keras RM4.9 juta tumpas

Utusan Malaysia, Malaysia



SUMMARIES

SEREMBAN: Jabatan Kastam Diraja Malaysia (JKDM) Negeri Sembilan menumpaskan sindiket p e n y e l u d u p a n dan pengedaran rokok serta minuman keras bernilai lebih RM4.9 juta hasil tiga serbuan b u l a n lalu.